



Inatsisartuni ilaasortaq, Justus Hansen, Demokraatit  
/Maani

**Tunumi kiffartuussinissamut isumaqatigiissutit pillugit § 37 naapertorlugu  
apeqquteqaatinut akissut.**

Brevdato: 06-12-2016  
Sags nr.: 2016 - 17931  
Dok. nr. 15404335

Asasara Justus,

Tunumi kiffartuussinissamut isumaqatigiissutit pillugit apeqqutinnut, Inatsisartut suleriaa-  
sianni § 37 naapertorlugu nassiussannut qujanaq.

Postboks 909  
3900 Nuuk  
Tlf.: (+299) 34 50 00  
E-mail: [box909@nanoq.gl](mailto:box909@nanoq.gl)  
[www.naalakkersuisut.gl](http://www.naalakkersuisut.gl)

**Apeqquut 1.**

**Tunumi timmisartuussinermi timmisartut qanoq ittut atornerqarnissaat naatsor-  
suutigineqarpat kiffartuussinermut isumaqatigiissutit nutaat kinguneranik?**

*Akissut:*

Nordlandair-ip, Nerlerit Inaannut ilaasunik angallassinermi kiffartuussinermut isumaqati-  
giissummut ajugaasusup, ukiortaamiit Islandimi Akureyri-it sullinneqartussap pingaartu-  
mik timmisartuq Twin Otter atussavaa.

Ittoqqortoormiit aamma Nerlerit Inaata akornanni qulimiguulimmik angallavik sulii Air  
Greenlandimit maannatut sullissivigineqassaaq.

Tunumi illoqarfiit nunaqarfiillu sinneri sulii Air Greenlandimit maannatut sullissivigineqas-  
sapput, taamaattumillu ullumikkumut naleqqiullutik allannguuteqartinneqassanngillat.

**Apeqquut 2.**

**Tunumi illoqarfiit nunaqarfiillu akornanni timmisartuussisarnerit qanoq akuttuti-  
gissappat?**

*Akissut:*

Norlandair sapaatit akunnerannut ikinnerpaamik marloriarluni Nerlerit Inaannut timmisar-  
tuussisassaaq, tamannalu maanna pissutsinik atuuttunik pitsannguineruvoq. Air  
Greenlandip Ittoqqortoormiiniit Nerlerit Inaannut attaveqarneq taanna malillugu naleq-  
qussaavigissavaa.

Tunumi illoqarfiit nunaqarfiillu sinneri maannatut sullinneqassapput.

**Apeqquut 3.**

**Ullumikkut akinut naleqqiullugu akeq qanoq issappat?**

*Akissut:*

Nordlandair-ip 2017-imi angallavinni timmisartuussinissamut bilitsinik ulluni qaninnerni  
tuniniaalernissaa naatsorsuutigineqarpoq, taakkunanilu bilitsinut akil allassimassapput.

Neqerooruteqartitsinermi kiffartuussinissamut isumaqatigiissuteqarfiusuni timmisartuussinerit ullumikkornit angalasunut akisunerunnginnissaat Naalackersuisunit pingaartinneqarpoq, taamaattumillu akinik qaffaasoqassanngilaq.

**Apeqqu 4.**

**Kulusummiik Kulusummullu timmisartuussinermi qanoq sivisutigisumik utaqqi-soqartarnissaa naatsorsuutigineqarpa?**

*Akissut:*

Kulusummi pissutsit ullumikkutut iinnassapput..

**Apeqqu 5.**

**Qanoq iliortoqarpat qularnaarumallugu timmisartuussinermik suliaqartut assigiinngitsut suleqatigiinnissaat piffissanut pilersaarut nassatanillu kiffartuussinissaq eqqarsaatigalugit?**

*Akissut:*

Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalackersuisoqarfik, Mittarfeqarfiit sullissisullu maannarpiaq isumaqatigiissutinik kingullernik inissiinarlutik sulipput, tassanilu akuusunut tamanut pitsaanerpaanik aqqiisuteqarnissaa siunnerfigineqarpoq. Akuusunit tamanit suleqatigiinnerup pitsaanerpaap anguneqarnissaa soqutigilluarneqartoq Naalackersuisut maluginiarpaat. Sullissisut kiffartuussinermik isumaqatigiissutit naapertorlugit angallannerup kiffartuussinermut isumaqatigiissutinik pigisaqartunut taamaattullu angallavimmuut niuerneramik tunngaveqartumut ataqatigiissaarnissaanut naleqqussarnissaannullu pisussaaffeqarput.

**Apeqqu 6.**

**Naalackersuisut Tunumi kiffartuussinermut isumaqatigiissutinut attuumassuteqartunik allanik oqaatigisaqarsinnaanerlutik?**

*Akissut:*

Novembarip qaammataani Ittoqqortoormiini innuttaasut kinguaattoornerni inissinneqarnissamut nerisaqarnissamullu qulakkeerivigineqarnissaa pillugu Kommuneqarfik Sermersuumut saaffiginnipput.

2017-imut Aningaasanut Inatsisip akuerineqarnerani kiffartuussinissamut isumaqatigiissutit tamakkiisumik pitsannguutissaannik arlalinnik suliniuteqartoqarnissaa akuersissutigineqarpoq. Tassunga ilanngullugu ajornartorsiutit Ittoqqortoormiini innuttaasunit saqqummiunneqartut aalajangersimasumik tunngavigalugit aningaasalersuinissamut tunngavissanik pilersitsisoqarpoq. Taamaallilunga maanna uppersarsinnaalerpara, angallaviit kiffartuussinissamut isumaqatigiissuteqarfiusut angallaviillu niuerneramik tunngaveqartut akornanni kinguaattoortoqartillugu Ittoqqortoormiini innuttaasut inissinne

qarnissamut nerisaqarnissamullu qulakkeeriviginiarlugit najoqqutassiornissamut sullissisut pisussaaffii aningaasaliissutillu immikkoortinneqartut qulakkeerneqarsinnaalermata.

Inussiarnersumik inuulluaqqusillunga

  
Malina Lund Olsen